

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH”, broj: 35/05), a u skladu s Odlukom o usvajanju Programa utroška sredstava s kriterijima raspodjele sredstava tekućeg transfera za potporu mobilnosti umjetnika/ca utvrđenog Budžetom Federacije Bosne i Hercegovine za 2023. godinu Federalnom ministarstvu kulture i sporta – Federalnom ministarstvu kulture i športa („Službene novine Federacije BiH“, broj: 82/23), federalna ministrica kulture i športa objavljuje

## **TEKUĆI TRANSFER POJEDINCIMA – TRANSFER ZA PODRŠKU MOBILNOSTI UMJETNIKA/CA**

Javni poziv za finansiranje umjetnika/ca iz Budžeta Federacije Bosne i Hercegovine za 2023. godinu

### **I. Cilj Javnog poziva**

Cilj Javnog poziva je potpora umjetnicima/cama u profesionalnom razvoju osobne umjetničke prakse i jačanju osobnih profesionalnih kapaciteta s posebnim akcentom na mlade umjetnike/ce. Transfer doprinosi razmjeni, saradnji i povezivanju profesionalnih odnosa s umjetnicima/cama iz Bosne i Hercegovine i izvan države. Transfer doprinosi jačanju, unapređenju i afirmaciji umjetničke scene u manje razvijenim sredinama.

### **II. Pravo sudjelovanja**

Podršku mogu ostvariti punoljetni umjetnici, državljani Bosne i Hercegovine s prebivalištem u Federaciji Bosne i Hercegovine. Podrška će biti dodijeljena za projekte mobilnosti umjetnika kroz sljedeće oblasti:

- likovna umjetnost (arhitektura, skulptura, slikarstvo, primijenjene umjetnosti),
- književnost,
- muzika,
- pozorišna i scenska umjetnost,
- ples,
- strip,
- fotografija,
- film,
- dizajn.

### **III. Ukupna sredstva za Transfer u 2023. godini: 100.000,00 KM**

Sredstva će biti dodijeljena fizičkim osobama za realizaciju projekata iz navedene umjetničke oblasti, isključivo za troškove smještaja, kotizacije i prevoza.

### **IV. Opći kriteriji za raspodjelu sredstava**

1. Kvalitet kandidiranog projekta i interes javnosti;
2. Značaj projekta za razvoj umjetničke scene u manje razvijenim sredinama;
3. Povezivanje/umrežavanje umjetnika/ce s institucijama, udruženjima; fondacijama i drugim umjetnicima iz iste ili srodne oblasti u FBiH, BiH i izvan BiH;
4. Presentiranje umjetnika/ca široj zajednici;
5. Afirmacija mladih umjetnika/ca.

### **V. Posebni kriteriji za raspodjelu sredstava:**

1. Podrška afirmaciji mladih umjetnika/ca;
2. Podrška umjetnicima/cama, dobitnicima/cama priznanja/nagrada u oblasti kulture i umjetnosti, članovima/članicama umjetničkih organizacija i mreža;
3. Obogaćivanje kulturne scene i dostupnost umjetničkih sadržaja u manje razvijenim sredinama i osnaživanje regionalne zastupljenosti u BiH i izvan BiH.

### **VI. Obavezna dokumentacija**

1. Elektronski popunjen prijavni obrazac;
2. Biografija umjetnika/ce;
3. Uvjerenje o prebivalištu (ne starije od tri mjeseca do dana objave Javnog poziva);
4. Potvrda banke u kojoj je navedeno da račun umjetnika/ce nije blokiran, iz koje se vidi broj transakcijskog računa korisnika/ce, ne starija od tri mjeseca do dana objave Javnog poziva (original);
5. Detaljan opis projekta sa specifikacijom troškova (potpisan i ovjeren predračun za troškove smještaja u hotelu prosječne kategorizacije, dokaz o obaveznoj kotizaciji i izračun via Michelin za troškove puta do 500 km, odnosno predračun za ostale vrste prevoza ekonomske klase ukoliko je udaljenost veća od 500 km);

6. Poziv organizatora, dokaz o saradnji s institucijom u kojoj će projekt biti realizovan, pismo namjere institucije za koju umjetnik/ca aplicira, potpisan sporazum o saradnji ukoliko inicijativu pokreće umjetnik/ca ili drugi dokument koji dokazuje utemeljenost i vjerodostojnost aplikacijskog zahtjeva.

## **VII. Uvezivanje dokumentacije potrebne za prijavu**

Aplikacijski obrazac i traženi dokumenti se predaju kao jedna uvezana cjelina (spiralno, uvezano ili pričvršćeno klamericom) ili knjiški zalijepljeno. Sve stranice u nizu se numerišu.

## **VIII. Dostavljanje dokumentacije**

Prijavni obrazac za javni konkurs preuzima se na službenoj stranici Federalnog ministarstva kulture i sporta ([fmks.gov.ba](http://fmks.gov.ba)).

Prijave se dostavljaju ISKLJUČIVO putem pošte na sljedeću adresu:

Federalno ministarstvo kulture i sporta – Federalno ministarstvo kulture i športa

UI. Obala Maka Dizdara br. 2, 71 000 Sarajevo

Prijave dostaviti u zatvorenoj kuverti uz obaveznu naznaku: „Za Javni natječaj – Tekući transfer pojedincima – Transfer za podršku mobilnosti umjetnika/ca” – NE OTVARATI

Konkurs je otvoren tijekom cijele godine, do isteka raspoloživih sredstava.

Na poledini koverta obavezno napisati:

- ime i prezime podnosioca aplikacije,
- adresu i grad.

Aplikacije koje ne ispunjavaju kriterije iz ovog javnog konkursa, neće biti razmatrane.